

NAP-NYT BRUXELLES

K A L A A L L I T N U N A A T A
S I N N I I S O Q A R F I A
B R U X E L L E S - I M I

**Naalackersuisut
siulittaasuut Hollandimi**
Kuupik Kleistip Hollandimi
ataatsimiinnera pillugu
annertunerusumik atuarit
Qupperneq 2

**Issittup Siunissaa pillugu
Ataatsimeersuarneq
2011**
Inuuteq Holm Olsenip Prins
Albert II ilagalugu
ataatsimeersuartumiinnera
Qupperneq 3

**Issittup Siunissaa pillugu
Ataatsimeersuarneq
2011**
Inuuteq Holm Olsenip Prins
Albert II ilagalugu
ataatsimeersuartumiinnera
Qupperneq 3

OLT-mi Siulittaasuuffik
Siulittaasuuffik Kalaallit
Nunaata januar 2012-mi
tigussavaa
Qupperneq 5

Aalisarneq pillugu isumaqatigiisummut tapiliussaq nutaaq pillugu isumaqatigiinniarnert aallartinneqarput

Ulluni 26 – 30 septemberimi Aalisarneq pillugu isumaqatigiisummut tapiliussaq nutaaq pillugu isumaqatigiinniarneq Kalaallit Nunaata aamma EU Kommissionip Ilulissani aallartippaat. Aallartitat marluullutik suliffissuaqarfinit peqataasunit immikkut ilisimasalinnik sinniisunillu ilaqarput. Isumaqatigiinniarnert immikkoortuat siulleq pitsaalluinnartumik ingerlanneqarpoq. Isumaqatigiisummut maannakkut tapiliussap nutarterneqarnissaa pillugu illugiinnit erseqqissumik kissaateqartoqarpoq. Anguniagaq tassaavoq illugiilluni angusaqarfiusumik isumaqatigiissuteqarnissaaq. Isumaqatigiinniarnert novemberip naanerani Bruxellesimi nangingneqassapput.



Kalaallit Nunaata aallartitai Aalisarnermut, Piniarnermut Nunalerinermullu Naalackersuisoqarfimmi immikkoortortami pisortamit, Emanuel Rosingimit aamma EU-p aallartitai Imaanut Aalisarnermullu Pisortaaneqarfimmi Immikkoortortami pisortamit Constantin Alexandrou-mit aqunneqarput. Europami nunat ilaasortat Kalaallit Nunaata imartaani aalisartut aamma sinniisoqarput, taakkununga ilaallutik England, Frankrig, Tyskland, Polen aamma Danmark. Mannakkut isumaqatigiisummut tapiliussaasup

ingerlalluarnera pillugu nerrivimmi illuatungeriittunit marluusunit nalinginnaasumik isumaqatigiissutigineqarpoq, maannakkullu Aalisarnermi peqatigiinneq pillugu isumaqatigiisummut tapiliussap nutaap aallartinnissaa kissaatigineqarluni. Aammattaq isumaqatigiisummut tapiliussap nutaap maannakkutut iluseqartillugu isumaqatigiissutigineqarnissaa isumaqatigiissutigineqarpoq. Allannguisoqassappat tamanna taamaallaat pitsannguisoqarneratigut pisariillisaasoqarneratigullu pissaaq.

Kuupik Kleistip Hollandimut tikeraarnera

Naalakkersuisut Siulittaasuat Kuupik Kleist (KK) Hollandimi naalakkersuisunit aamma World Wildlife Fundimit (WWF) qaaqquneqarnermigut ulluni 31. august – 1. septemberimi Hollandimi Haagimut tikeraarpoq. Hollandimi nuussutissarsiortunit, ilisimatusarfinniit suliffissuaqarfinniillu sinniisut maj 2011-mi Kalaallit Nunaannut tikeraarsimanerinit tikeraarnej nangitsineruvoq.

WWF tassaavoq NGO-t, avatangiisitigut uumasoaqarnikkullu Kalaallit Nunaannut unaminartunngortussat pillugit iluaqutaasumik oqallinnissamut soqutigisaqartut. KK-p tikeraarnerani Kalaallit Nunaata siunissami ineriartornissaa aalajangersimasutigullu suleqatigiiffiusinnaasut pillugit ammasumik oqaloqatigiinnissamut sulisoqarnissaa isumaqatigiissutigineqarpoq. Hollandimi angalaarnermi aamma hollandimi nunanut allanut ministeri Uri Rosenthal aamma nunamut namminerit ministeri Piet Donneri ataatsimeeqatiginissaat aqqissuunneqarpoq. Uumasoaqarnikkut sammivik aamma

nungusaataanngitsumik ineriartornerup qulakkeertariaqarnera pillugu paasinninneq Hollandimiunit erseqqissarneqarpoq, hollandimi naalakkersuisuniit aamma ilisimatusarfinniit. Kalaallit Nunaata ineriartortinneranut tapersiinnissamut hollandimiut soqutigisaannut tunngasut allattuiffik aamma KK-mut saqqummiunneqarpoq. Pingaartumik nukissiornermut, aatsitassanut nutaaliornermullu tunngasut.

Kalaallit Nunaannit aallartitat ataqqiniarlugit WWF nerersuartitsivoq, tassani hollandimi sinniisut upernaq Kalaallit Nunaannut tikeraarsimasut aamma peqataallutik. Taakku akornanniippoq hollandimi Kunngissaq Willem-Alexander. Tikeraarnerup nalaani Hollandip aamma Kalaallit Nunaata akornanni qaninnerusumik attaveqatigiinnerit annertusarneqarput, siunissamut iluaqutaasumik naammassinnittumillu suleqatigiinnissamut periarfissiisoq. 2012-p naalernerani Kalaallit Nunaannut tikeraartoqaqqinnissaa naatsorsuutigineqarpoq



Kuupik Kleist aamma nunanut allanut ministeri Uri Rosenthal



Kuupik Kleist peqatigalugit Kunngissaq Willem-Alexander aamma Lida Lennert Kalaallit Nunaata Bruxellesimi Aallatitaqarfianeersaq.

NAP-NYT

ISSITTUP SIUNISSAA PILLUGU
ATAATSIMEERSUARNEQ

Monacom Prins Albert II-ta Issittup Siunissaa pillugu Ataatsimeersuarnerit aappaat aammarpaa. Tassani naalagaaffiit issittumeersut, ilisimatuut, suliffissuaqarfiit, NGO-t nunallu inoqqaavi issittup siunissaa, unamminartui, ineriartornera periarfissaalu oqallisigineqarlutik.

Issittumi Siunnersuisoqatigiit, ilisimatusarneq, avatangisut, umiarsuartigut angallassineq, uulia aamma gassi kiisalu nunat inoqqaavisa pisinnaatitaaffii ilaatigut Monacom Prins Albert II-mit, Aalisarnermut kommissarimit Maria Danamaki-mit, Islandip Præsidentianit Ólafur Ragner Grímsson-imit aamma Nunanut Allanut Pisortaqarfiup pisortaanit Inuuteq Holm Olsenimit oqallisigineqarlutik. Taakku saniatigut USA-mit, Ruslandimit, Canadamit, Norgemit aamam Sverigemit sinniisut peqataapput, kiisalu issittumi ilisimatuut nunarsuullu sinneraniit immikkut ilisimasallit.

Issittumi naalagaaffiit akornanni suleqatigiinnerup annertusineqarnissaa pillugu nalinginnaasumik amerlasuunit isumaqatigiissutigineqarpoq, pingaartumik aatsitassanut umiarsuartigullu ingerlaarfinnut naleqqiullugu issittup piffissami maannakkut annertuumik isiginiarneqarnerani. Erseqqissaatigineqarpoq issittup siunissaa maannakuusooq taannalu naapertorlugu iliuseqartoqassasoq taannalu suleqatigineqassalluni.

**Issittup Siunissaa pillugu
Ataatsimeersuarneq**

Issittup Siunissaa pillugu Ataatsimeersuarnermik aqqissuussisut tassaapput the International Polar Foundation aamma Prince Albert II of Monaco Foundation.

Siunertaq tassaavoq isumassarsiat ilisimasallu avinneqarnissaat, Issittoq pillugu pitsaanerusumik paasinninnerup nittarsaannissaa aamma ukiuni aggersuni Issittumi unamminartut pillugit suleqatigiinnissap pilersinnissaa.

The International Polar Foundation

The International Polar Foundation tassaavoq iluanaarniarneq siunertarinagu inuinnat suleqatigiiffiat, belgiamiumit angalatuumit aamma civil ingeniørimit Alain Hubertimit, Professor emeritus André Bererimit aamma glaciolog Hugo Declerimit 2002-mi pilersinneqartoq. Siunertaq tassaavoq issittoq pillugu ilisimasat aamma issittoq pillugu ilisimatusarnermi paasissutissiisarnissaq ilinniartitsinissarlu, kiisalu nunat issittumiittut unamminartut imaannaangitsut pillugit arlalinnit qisuariartoqarnissaanut nittarsaaneq. Ilisimatusarnerup inuiaqatigiillu akornanni ataqatigiilersitsisoqarnissaa pillugu The International Polar Foundation suliaqarpoq.



NAP-NYT

EU PILLUGU NUUMMI ISUMASIOQATIGIISSITSINEQ

Ulloq 23. septemberimi Bruxellesimi Kalaallit Nunaata Aallartitaqarfia, Naalakkersuisut Siulittaasuannik Kuupik Kleisti aamma Nunanut Allanut Pisortaqaarfik peqatigalugit naalakkersuisoqarfimmi pisortanut Nuummi EU pillugu isumasioqatigiissitsipput.

EU pillugu isumasioqatigiinnerup siunertaa tassaavoq Kalaallit Nunaata EU-mik suleqateqarnera Nuummi naalakkersuisoqarfimmut erseqqinerulersinnissaa peqatigisaanillu siunissami suleqatigiinnissaaq suleqatigiinnermilu Kalaallit Nunaannut periarfissiinera oqallisigineqarlutik. Isumasioqatigiinnermi Kalaallit Nunaata EU-mut pissusaa aamma 2013-p kingorna EU-mik isumaqatigiissuteqarnermut tunngasut, kiisalu EU-mik suleqateqarneq pillugu Kalaallit Nunaata iliuusissaa sammineqarput.

Isumasioqatigiinnermi erseqqissarneqarpoq Kalaallit Nunaat tassaasoq nuna nuannarineqartoq taamaattumillu oqalliffiit eqqortut toqqarneqarnissaat pingaaruteqartoq aamma Kalaallit Nunaat mianersorluni nutaanik isumaqatigiissuteqassasoq. Siulittaasoq aamma Naalakkersuisunut ilaasortat EU politikerinik qaffasissumiittunik arlaleriarlutik ataatsimeeqateqarput. Attuumassuteqarfiit tamakku iluaqutigineqarnissaat pisariaqarpoq sulinerlu tamarmi malinnaaffigeqqissaarneqarluni

KALAALLIT NUNAATA EU-MIK ISUMAQATIGIISSUTAI

Peqatigiinnermik isumaqatigiissut 2007 - 2013

Taamatut naalakkersuinikkut ingerlatsinermit ataatsimoorussamik nalunaaruteqarnerup erseqqissarpaa Kalaallit Nunaanni suleqatiginninnerup aalajangiussimanissaanik ineriartortinnissaanillu oqaluttuarisaanermi EU immikkut soqutiginnittoq. Peqatigiinnermik isumaqatigiissummiippat kalaallit nunaanni ilinniartitaanermut aningaasatigut tapiissutit aamma aalisarneq pillugu isumaqatigiissummut tapiliussaq, tassa peqatigiinnermut isumaqatigiissutitip ataani immikkut isumaqatigiissutaasoq.

Aalisarneq pillugu peqatigiinnermik isumaqatigiissut (API) tassungalu tapiliussat 2007-2012

API marlunnik immikkoortoqarpoq; Kalaallit Nunaannit atugassanngortinneqartumut aalisarsinnaatitaanermut aningaasanik akiliuteqarneq aamma missingersuutitigut tapiissuteqarneq, aalisarnerup iluani kalaallit nunaanni

Namminersorlutik Oqartussat siunissami EU-mut iliuusissaat Bruxellesimi Aallartitaqarfimmi Lida Lennertimik saqqummiunneqarpoq. Ilinniartitaanermut Ilisimatusarnermullu Naalakkersuisoqarfimmi pisortaq Mikael Kristensenip Peqatigiilluni isumaqatigiissummit, isumaqatigiinniutigeqqinneqartussamik, Kalaallit Nunaata misilittagai saqqummiunneqarput.

Aatsitassanut Ikummatissanullu Pisortaqaarfimmi pisortaq Jørn Skov Nielsen aatsitassanut tunngasuni misissuinerit assigiinngitsut killiffi saqqummiunneqarput. Oqallinnermi aamma Kalaallit Nunaanni aatsitassanut nunarsuaq tamakkerlugu soqutiginninnerup annertusiartornera sammineqarpoq, pingaartumik uulia aamma aatsitassat qaqutigoortut.

Aamma Lissabonimi isumaqatigiissummi allannguutit kingunerisai sutigullu Kalaallit Nunaannut ajornartorsiuteqarsinnaaneri oqallisigineqarput. Naalakkersuisut Siulittaasuata Kuupik Kleistip EU-mik isumaqatigiissutaasut annertusineqarnissaannut Namminersorlutik Oqartussat anguniagaqarnerat erseqqissarpaa. Taamaattorli tamanna isinik isornartunik isigineqassalluni, taamaattumik piviusut katersorneqarnissaat pisariaqarpoq aalajangiisoqarnissaalu sioqqullugu oqartussat inuillu attuumassuteqartut ataatsimeeqatigineqassallutik.

naalakkersuinikkut ingerlatsinermit tapersersuisussaq ineriartortitsisussarlu.



Imarsuup akianiittut Nunat Nunallu Ila (OLT)

1985-imi EF-imit aninermi Kalaallit Nunaata isumaqatigiissutaa aqutigalugu Kalaallit Nunaat OLT-inut ilaalerpoq. OLT-mi kattunnerit tassaapput siunnersuisoqatigiinnit aalajangiineq 2001-meersoq, 2007-mi nutarterneqartoq 2013-llu naanerani atorunnaartussaq. Kattunneq arlalinnik iluaqusiivoq ilaatigut tassaallutik EU-mi suliniutinut peqataasinnaaneq, silap pissusaatigut avatangiisitigullu EU-mi erseqqissuuneq minnerunngitsumillu akitsuuteqarnikkut annertuumik killilersorneqarnani salliutinneqarneq. Danmarki peqatigalugu naalakkersuinikkut ingerlatsinermit oqaluuserisassani Kalaallit Nunaat annertuumik sammisaqartitsivoq.

NAP-NYT

BRUXELLESIMI ASSITUTIGUT ILANNGUSSINEQ

QAAMMATIT KINGULLIIT MARLUK KALAALLIT NUNANUT AAMMA BRUXELLESIMI KALAALLIT NUNAATA AALLARTITAQARFIANUT PISSANGANARTUNIK UNAMMINARTOQARSIMAVOQ. HOLLANDIMUT

TIKERAARNERIT, AALISARNEQ PILLUGU ISUMAQATIGIINNIARNERIT, ISSITTUP SIUNISSAA PILLUGU ATAATSIMEERSUARNEQ, PWP-MI ATAATSIMIINNERIT INGERLATAQARTULLU NUTAAT.



Prins Albert II af Monaco Issittup Siunissaa pillugu Ataatsimeersuarnermut 2011-mi tikilluaqqusisoq



Sulisut Bruxellesimeersut; Lida Lennert, Jacob Isboethsen aamma Katrine Kærgaard Inuuteq Holm Olsen peqatigalugu Issittup Siunissaa pillugu Ataatsimeersuarnermi.



Aalisarneq pillugu isumaqatigiinniarnernut EUup aallartitai Hotel Arcticimi Ilulissani.



Aalisarneq pillugu isumaqatigiinniarnerni unillatsiarnermi aallartitat Ilulissat kangerluani isikkivimmik alutorsartut.



Isumaqatigiinniarnermi aqutsisoq Emanuel Rosing, Alfred Jakobsen KNAPK-meersoq, Jacob Isboethsen Bruxellesimi Aallartitaqarfimmiit aamma Henrik Krogh Polar Seafoodimeersoq Oqaatsunut angalaarnermi seqinnisaartut.



Lida Lennert Bruxellesimi Aallartitaqarfimmiit, qallunaat Hollandimi Aallartitaat, Reimer Nielsen aamma Kuupik Kleist Hollandimi tikeraarnermi.



Mininnguaq Kleist Nunanut Allanut Pisortaqarfimmiit, Kuupik Kleist aamma Johan van de Gronden WWF-imiit

NAP-NYT

PARTNERSHIP WORKING PARTIES

Ulloq 14. oktoberimi Partnership Working Parties-imi (PWP) ataatsimiittoqarpoq. PWP tassaavoq OLT-iit, Nunat ilaasortat aamma EU Kommissioni.

PWP immikkoortunut sisamanut agguarsimavoq, maannakkut ukunani ataatsimiittoqarpoq: Niuerneq Nunallu Immikkoortuisa Peqataatinneri, kiisalu Avatangiisit, Silap Pissusaata Allanngornera, Pinngortitami aamma Ajunaarnersuarnik Pitsaaliuineq Aqutsinermilu. Niuerneq Nunallu Immikkoortuisa Peqataatinneri pillugit ataatsimiinnermi sammineqartut ilaatigut tassaapput maannakkut siunissamilu OLT-ermiut niuernikkut periarfissaat. OLT-iinut unamminartut aporfissallu taakkulu nioqqutissaataat aamma oqallisigineqarput. Taakku saniatigut niuernikkut ineriartorneq ingerlatiinnarniarlugu siunissami OLT-nit sutigut taparserneqarnissamik atorfissaqartitsisoqarnersoq misissornerqarpoq. Erseqqissarneqarpoq niuernermut naleqqiullugu OLT-it EU-mut qaninnerulersimasut.

Partnership Working Parties sisamanik**immikkoortoqarpoq:**

- PWP 1, Aningaasatigut Sullissinerit
- PWP 2, Niuerneq Nunallu immikkoortuisa peqataaneri
- PWP 3, Avatangiisit, Silap Pissusaata Allanngornera, Pinngortitami Ajunaarnersuit Pitsaaliorneri Aqutsinerlu.
- PWP 4, Siunissami OLT – EU-mi Pissutsit

Tamannalu ajunngitsumik ineriartornertut isigineqarluni. Avatangiisit, Silap Pissusaata Allanngorneranut, Pitsaaliuineq Aqutsinerlu pillugit PWP 3-mi ataatsimiinnermi Kalaallit Nunaata Aallartitaqarfiani Aallartitaqarfimmi allatsip nutaap, Jacob Isbotheseni immikkoortumi tassani siulittaasup aappaatut peqataavoq. OLT-it arlallit avatangiisitigut silap pissusaatigullu suliniutit saqqummiuppaat, ilaatigut Manerassuarmi sinerissami ineriartorneq pillugu oqallinnermi.

Ataatsimoorluni issittumi iliuusissaq, Kalaallit Nunaata, Savalimmiut aamma Danmarkip akuerisimasat Kalaallit Nunaannit malugeqquneqarpoq, aamma Ilulissat World Heritage Isfjords Station pillugu suliniut maannakkut ingerlanneqartoq pillugu.

PWP-mi immikkoortut tamarmik Exco-mit aqunneqarput, tassa inuk OLT-p siulersuisuineersoq aamma EU Kommissionip suligasuartaanin ilaasortaq siulittaasuulluni. Taakku marluullutik ataatsimiinnerit aquttarpaat. Kalaallit Nunaat PEP 3-mi Avatangiisit, Silap Pissusaata Allanngornera, Pinngortitami Ajunaarnersuit Pitsaaliorneri Aqutsinermilu siulittaasup aappaqartitaqarpoq.

Global Climate Change Alliance (GCCA) aamma OLT-iit Silap Pissusaata Allanngornera aamma aningaasalersuineq pillugu, OLT-EU-p januar 2012-mi oqaloqatigiinnerisa kingorna ataatsimiisitsiniarput. Ataatsimiinnerni taakkunani siunertaq tassaavoq ilisimasanik paarlaaqatigiinneq unamminartullu suunerinik paasisaqarneq, kiisalu OLT-it sunik periarfissaqarnersut

GCCA ATAATSIMIINNEQ

Global Climate Change Alliance (GCCA) tassaavoq EU-mit aningaasalersorneqartoq oqallittarfik silap pissusaata allanngornera naleqqussarnerlu pillugit ataatsimiinnernik aaqqissuussisarpoq, nutaatullu OLT-mi nunat GCCA-mi peqataasinnaalersimallutik. Nunat ataasiakkaat pisariaqartitaannut soqutigisaannullu naleqqussarneqarsimasunik aaqqissuunneqarsimasunik ataatsimiinnernik GCCA pilersuisinnaavoq. OLT-it peqatigalugit 2012-mi januarip naanerani OLT-EU-p ukiumoortumik katersuunnerisa nanginneratut immikkut GCCA-mi ataatsimiinnissaq aaqqissuunneqarpoq. OLT-mi silap pissusaanik aamma aningaasaqarnikkut ilisimasaqartut inuit ataatsimiinnermi peqataasussat naatsorsuutigineqarpoq, tassa ataatsimiinnermi silap pissusaa, avatangiisinut pitsaasumik siuariartorneq, aningaasalersuineq il.il. sammineqartussaapput.



Jacob Isbothesen Bruxellesimi Kalaallit Nunaata Aallartitaqarfianeersoq PWP 3-mi, Avatangiisit, Silap Pissusaata Allanngornera, Pinngortitami Ajunaarnersuit Pitsaaliorneri Aqutsinermilu siulittaasup aappaa, Bruxellesimi ulloq 14. oktober

NAP-NYT

OLT-MI SIULITTAASUUFFIK

Kalaallit Nunaata Montserrat tulleralugu Januar 2012-mi Ministerit ataatsimiinnerini OLT-mi siulittaasuuffik tigussavaa. Unamminartumut tassunga Kalaallit Nunaat piareersaleruttorpoq tassungalu atatillugu suliassarpassuaqarluni. NAP-Nutaarsiassani tulliuuttuni siulittaasuuffimmuut tunngatillugu allaaserisat amerlanerit ilanngunneqarumaarput.

Maannakkorpiaq tuluit nunaannut ilaasortaq qeqertaq Montserrat, Caribiamiittoq OLT-mi siulittaasuuffik tigummivaa. Montserrat-ip siulittaasuuffiup nalaani OLT-it unammillersinnaassusiat pisinnaassusiallu kiisalu OLT-mi ingerlatseriaatsit aqutseriaatsillu isiginiarneqarnissaat toqqarsimavaa. Tamanna immaqa eqqumiippallaanngilaq, tassa Montserrat 5140-it missaannik inoqartoq juli 1995-mi qaqqap innermik anitsisartup annertoorujussuarmik anitsinerata kingorna qeqertap ilarujussua, aningaasaqarnera inuiaqatigiillu aserorneqarput. Inuit 8000-it missaaniittut qeqertamiit qimaapput tamarmillu uteqqinnikuunatik.

Taamaattumik ukioq manna OLT-EU-mi Oqalliffik sammisanik qulaani taaneqartunik isiginiarneqartunillu ilaatigut sunnerneqarsimassaaq, taannalu ulluni 23.-27. januar 2012-mi Bruxellesimi ingerlanneqassalluni.

Montserratip siulittaasuuffianit aamma kissaatigineqarpoq naalakkersuisuni siulittaasut politikkerillu isiginiarneqarunissaat isumasioqatigiinnerillu ataatsimiinnerillu ilaanni imminnut siunersiuassallutik. Kalaallit Nunaata peqataanissani naatsorsuutigaa aamma silap pissusaata allanngornera nukissiuutillu ataavartut pillugit oqallinnerit sunnersimassallugit.

Montserrat Caribiap
imartaaniippoq Amerikap
Kujalliup sineriaata



ExCo-mi naartunerup nalaani taarteqarneq

Maannakkut OLT-mi Siulittaasoq Chloé Calvignac novemberip aallartinnerani naartunini pissutigalugu sulinnigiffeqarallarnerani Kedrick Malone, De Britiske Jumfrøer, siulittaasutut inissikkallassaaq. Kerick E. Malone Londonimi Jomfrøerit Aallartitaqarfiani siuttuuvog

aamma Jomfrøernip naalakkersuisuini Tuluit Nunaata Sinnisoralugu. Kedrick Malone Business Administration fra City University of New Yorkimiit bacheloriullunilu kandidatiuvoq. Aallartitani 2008-mi siuttunngorpoq, tamanna sioqqullugu ilaatigut Jomfrøernimi takornariaqarnermi pisortaasimalluni.



NAP-NYT

Ilisarititsineq: Bruxellesimi sulisut nutaat

Septemberip aallaqqaataaniit Bruxellesimi Aallartitaqarfik nutaanik sulisoqalerpoq. Jacob Isboethensenip Naja Lund Aallartitaqarfimmi allatsitut taarserpaa aamma Katrine Kærgaardip Rebecca Lyngre taarsersimallugu.

Ministerrådi Lida Lennert Bruxellesimi Aallartitaqarfimmi nutaanik sulisoqalerpoq. Jacob Isboethesenip, siusinnerusukkut Aalisarnermut, Piniarnermut Nunalerinermullu Naalackersuisoqarfimmi sulisimasup Naja Lund Aallartitaqarfimmi Allatsitut kingoraarpaa.

Jacob siusinnerusukkut Aallartitaqarfimmi ilinniarnerninut atatillugu sulisimavoq, taamaattumik suliassat takornartarinagit.

Tamatuma saniatigut Katrine Kærgaard, kingullermik NAP-Nutaarsiassani nalunaarutigineqartut Rebecca Lyngre ilinniarnerninut atatillugu sulisutut taarserpaa, sulisunullu ilaassalluni 1. september 2011 – 31. januar 2012-mi.

Bruxellesimi Aallartitaqarfiup piffissaq pissanganartoq

aqqusaartussanngorpaa, tassa Aalisarneq pillugu isumaqatigiinniarnert, OLT-EU Forumimi aamma OLT-mi Siulittaasuuffimmik tigusiffiususaaq pisussaammata. Jacob aamma Katrine sulianik suliaqalernissaminut qilanaarsimapput Bruxellesimilu piffissaq pissanganartoq ilinniarnersussarlu qilanaaralugu.



Sulisut nutaat Ilulissani Aalisarneq pillugu isumaqatigiinniarnernut atatillugu Oqaatsuniittut.

AALLARTITAQARFIMMI ALLATSI NUTAAQ

Jacob Isboethesen septemberip aallaqqaataaniilli Bruxellesimi Kalaallit Nunaata Aallartitaqarfiani Aallartitaqarfimmi allatsitut atorfinitsinneqarpoq. Jacobip annerusumik ilaatigut OLT-imut tunngasuni, Peqatigiinnermik isumaqatigiissummi, kiisalu Aalisarneq pillugu peqatigiinnermik isumaqatigiissummi aallartitaqarfiup suliassai isumagissuai. Jacob Aalisarnermut, Piniarnermut Nunalerinermullu Naalackersuisoqarfimmeerpoq, ilaatigut tassani Aalisarneq pillugu ataatsimiititaliarsuarmi allattaasimalluni aamma EU-p Kalaallilli Nunaata akornanni Aalisarneq pillugu peqatigiinnermik isumaqatigiissummut Tapiliussap aqunneqarnera atulersinneralu peqataaffigisimallugu. Jacob aamma Kalaallit Nunaata aamma Savalimmiut, Ruslandip aamma Norgep akornanni nunat marluk aalisarneq pillugu isumaqatigiissutaannut tunngatillugu isumaqatigiinniarnerni peqataasarsimavoq. Taakku aqutugalugit Bruxellesimi isumagisassami iluanni ajunngitsunik misilittagaqarsimavoq.

Jacob Århus Universitetimiit Cand. Jur.-iuvoq, ilinniarnerni ilaatut 2007-mi Bruxellesimi Kalaallit

Nunaata Aallartitaqarfiani sulisimalluni. Taamaattumik allaffik tassanilu suliassat ilisimareerpai. Jacob Bruxellesimi Kalaallit Nunaannut sinniisuunissamat aalisarnerullu iluani allanik suliaqarnissaminut qilanaarpoq.



NAP-NYT

St. Helena-mut mittarfeqarfik

St. Helena-p guvernøria Mark Capes ulloq 7. November nalunaarutigaa kiisami St. Helena mittarfittaarnissaminut aningaasaliiffiqneqalersoq. Mittarfiup innuttaasut 4300 missaaniittut nunarsuup sinneranut silaannakkut attaveqartilissagai. St. Helena nunarsuarmi nunat avin-ngarussimanerpaat ilagaat maanamullu taamaallaat umiarsuarnit tikinneqarsinnaalluni. Taassuma OLT-aqqap ineriartornissaanut mittarfik annertuumik sunniuteqassaaq.


1999-imi St. Helena-mi mittarfiup sananeqarnissaa aatsaat siunnersuutigineqarpoq. Mit-tarfiup taassuma RMS St. Helena utoqqalilersoq taarsertussaavaa, pajuttaat qeqertamut pingaaruteqavissoq, tassami inuunerup atatiinnarnissaanut pingaaruteqartunik pilersuineramik pajuttuinermit saniatigut aammattaq takornariarpaalunnik amerlanngitsunik tikeraartitsisin-naasarmat.

Kisiannili, Tuluit Nunaanniit St. Helena-mut umiarsuarmik angalaneq ulluni fjorten-ini Syd-afrikamilu Cape Townimiit ullunik arfineq marlunnik sivisussuseqarsinnaasarpog. Taamaasilluni St. Helena nunarsuarmi nunat avinngarussimanerpaat ilagaat. Ilaanni Cape Town-imi inuit pajuttaatinut St. Helena-kkortussanut ilaasinnaanermut sapaatip akunnera ataaseq tikillugu utaqqisarsinnaasarpog taamaasillunilu innuttaasunut 4300-ngajaasunut ingerlasussanik piareersaanertigut aqutsinertigullu alliartornermullu tunngasutigut ajornartorsiortitsisarluni.



Mittarfeqarfiup qeqertaannguamut tassunga allannguutit annertuut nassatarissavai, ineriartorneruinnanngitsukkut, suliffissatigut periarfissaannaanngitsutigut, takornarianut ataqati-giissarinermut attaveqarfiinnaanngitsutigut aammali avatangiisinut attaveqaatigut.

Kisianni aamma inunnut St. Helena-miit suliffissaqarniarlutik aallarsimasunut, angerlaqqinissamut periarfissiivoq. Qeqertaaqqami tassani ataasiakalaarummik aningaasaliissutaavoq annertunerpaaq – qeqertallu oqaluttuarisaanerani allannguinermik annerpaamik nassataqartussaavoq. St. Helenap isareerluni tikilluaqqusivoq.



NAP-NYT



EU.NANOQ.GL-IP NUTARTERNEQARNERA

Aallartitaqafiup nittartagaa eu.nanoq.gl nutarterneqarsimavoq aamma Kalaallit Nunaata Aallartitaqarfiata erseqqinnerulernissaa pillugu iliuitsimi pinaaruteqarluni. Iliuitsip ilaa alla tassaasimavoq NAP-Nutaarsiassat tuluttut saqqummersinnissaat, qallunaatut kalaallisullu saniatigut.

Bruxellesimi Kalaallit Nunaata Aallartitaqarfiata nittartagaa ukiuni kingullerni marlussunni sumiginarneqalaarsimavoq. Aallartitaqarfimmi allatsip nutaap Jacob Isboethsenip tamanna allangortinniarpa taamaattumillu ilinniarnerninut atatillugu sulisoq Katrine Kærgaard sapaatip akunnerini kingullerni marlunni qarasaasiami iluarsaassissut sitecore annertuumik ilinnialersimallugu.

Tamatuma kingunerisimavaa eu.nanoq.gl-ip nutarterneqarnera. Attaveqarnermi paasissutissat iluarsanneqarput allaffimmilu sulisut assii nutaat ikkunneqarlutik.

NAP-Nutaarsiassat kingulliit arlalissuit nittartakkamut ilanngunneqarput aamma suliffimmi sungiusartumit ilanngussat nutaat aamma PowerPointit nutaat. Siunissami qaninnermi aamma Bruxellesimi Kalaallit Nunaata Aallartitaqarfiata sulinera pillugu sapaatip akunnikkaartumik nutaarsiassat nittartakkami ilanngunneqartassallutik.

Siunissami ilinniarnernut atatillugu sulisup suliassarilissavaa eu.nanoq.gl-ip nutarterneqartarnera, imaanik iluarsaassineq nittartakkamilu Nutaarsiassanik naatsunik ilanngussisassalluni.

Bruxellesimi Kalaallit Nunaata Aallartitaqarfiata avammut erseqqissuunissaa pingaarpoq taamaattumillu Aallartitaqarfimmi allatsimit nutaamit salliutinneqarsimalluni nittartakkap pilersinneqaqqinnissaa.

Erseqqissuuneq pingaaruteqarpoq taamaattumillu Ministerrådi Lida Lennert aamma Aallartitaqarfimmi allatsi Jacob Isboethesen aamma aalajangersimallutik NAP-Nutaarsiassat tuluttut aamma saqqummersinneqartassasut. Tamanna Kalaallit Nunaata nunani allanit peqatigisaanit kissaataasimavoq, pingaartumillu OLT-init NAP-Nutaarsiassat tuluttut allassimasut ujartorneqarsimallutik.

EU.NANOQ.GL

Nittartakkamut oqaaseqaatissaqaruit imaluunniit pitsannguutissatut siunnersuutissaqaruit uunga nassiutissavatit:

stagiaire@nanoq.gl

